



蓮花喻讚

♩ = 76

真如 曲



出自《金光明經·蓮華喻讚品》

此讚頌從第一偈一直唱到「迴施眾生速成佛」

無上清淨牟尼尊	身光照耀如金色	一切聲中最為上	如大梵響震雷音
髮彩喻若黑蜂王	宛轉旋文紺青色	齒白齊密如珂雪	平正顯現有光明
目淨無垢妙端嚴	猶如廣大青蓮葉	舌相廣長極柔軟	譬如紅蓮出水中
眉間常有白毫光	右旋宛轉頗梨色	眉細纖長類初月	其色晃耀比蜂王
鼻高脩直如金鋌	淨妙光潤相無虧	一切世間殊妙香	聞時悉知其所在
世尊最勝身金色	一一毛端相不殊	紺青柔軟右旋文	微妙光彩難為喻
初誕身有妙光明	普照一切十方界	能滅三有眾生苦	令彼悉蒙安隱樂
地獄傍生鬼道中	阿修羅天及人趣	令彼除滅於眾苦	常受自然安隱樂
身色光明常普照	譬如鎔金妙無比	面貌圓明如滿月	脣色赤好喻頻婆
行步威儀類師子	身光朗耀同初日	臂肘纖長立過膝	狀等垂下娑羅枝
圓光一尋照無邊	赫奕猶如百千日	悉能遍至諸佛刹	隨緣所在覺群迷
淨光明網無倫比	流耀遍滿百千界	普照十方無障礙	一切冥闇悉皆除
善逝慈光能與樂	妙色映徹等金山	流光悉至百千土	眾生遇者皆出離

佛身成就無量福 一切功德共莊嚴 超過三界獨稱尊 世間殊勝無與等
所有過去一切佛 數同大地諸微塵 未來現在十方尊 亦如大地微塵眾
我以至誠身語意 稽首歸依三世佛 讚嘆無邊功德海 種種香花皆供養
設我口中有千舌 經無量劫讚如來 世尊功德不思議 最勝甚深難可說
假令我舌有百千 讚嘆一佛一功德 於中少分尚難知 況諸佛德無邊際
我以至誠身語意 乃至有頂為海水 可以毛端滴知數 佛一功德甚難量
禮讚諸佛德無邊 所有勝福果難思 迴施眾生速成佛